



**Wacht Ordnung, Wie sie ein Erb. Rath des Heil. Ro?mischen  
Reichs freyer Statt Co?In jetzt newlich auffgericht vnd  
hinfu?ro zuhalten gebotten.**

<https://hdl.handle.net/1874/433844>

2

# Wacht Ordnung/

Wie sie ein Erb. Rath des Heil. Römischen Reichs freyer Statt Cölln jeh newlich auffgerichte/ vnd hinfüro zuhalten/ gebotten.

Gedruckt zu Cölln/

Durch Maternum Cholinum.

M. D. LXXXIII. Mense Octobri.



Lehrbuch der Arithmetik

von Johann Heinrich Lambert  
in der Theorie der Kettenbrüche  
aus dem Französischen des  
L'abbé de Moivre

Geometrie

von Johann Heinrich Lambert

AL D. XXXII. Mens. Octobr.



# Eines Erb. Raths

Des Heil. Römischen Reichs freyer  
Statt Cölln auffgerichtete ordnung/ Wieman es in  
diesem umbherschwebenden Kriegswesen/ vnd sonst  
mit der Wacht in der Statt Cölln  
halten solle.

**V**m ersten / sollen alle die jehnjige / 1.  
was standis die seyen / Es weren Herin/  
Meister/ Knecht/ Söhn oder Jungen/ so 18 142  
ober xxiij. Jahr alt/ sich alhie binnen Cölln  
verhalten/ vnd vnder schutz vnd schirm eines  
Ersamen Raths sitzen/ Auch die jehnjige/ so  
ihre güter (die weren gereidt oder vngereidt) binnen Cölln  
in gewarsamb ligend/ vnnnd gleichwol außwendig ihre woh-  
nungen haben/ durch sich selbst/ oder eine qualificierte ver-  
eydte Person/ auß erfurderen/ ahn ihrer behausung bey Tag  
vnnnd Nacht/ auff die Wacht zuerscheinen schuldig vnd ge-  
halten sein/ oder aber anstatt der qualificierter Personen 12.  
alb. vor dergleichen Person bezahlen.

**A**uon sollen exempt sein / die acht verordnete Ober 2.  
sten/ jeglicher sampt zwehn Dienern/ vñ einen Jun-  
gen.

Der Rath zur zeit sitzende.

Die zwehn Syndici/ vnnnd beide Secretaris/ sampt ihre  
Schreiberen/ so täglich des Raths geschäften abwarten  
müssen.

Die Gaffelbotten / die Nachesreiter / auch des Raths reit-  
tenden Botten.

Die Dpfferleut.

Item die Diener vnder der Herrn hauß.

It. in die vier gekleidte Botten.

Jedoch mit dem bescheide/ das vorgemelte Personen/ sampt vnd sonderlich auff gebott der Herrn Burgermeister 2c. schuldig sein sollen/ an dz Rathhauß/ es were bey Tag oder Nache zuerscheinen / daselbsten allen vorkommenden sachen außzuwarten/ denselben fürzustehn/ vn̄ ohn erlaubnuß der Herrn Burgermeister nicht abzuweichen / Auch im fall der noth die Nachtswacht daselbsten zu halten/ vnd sonst zuuertichten/ w̄ nach fürfallenden sachen die noth erfordern wirdt. Item es sollen daneben exempt sein / die Pastores vnd Cappellanen.

3. **I**tem alle die jenige/ so vber siebennig Jar alt/ vnd vnuermugend sein/ sollen mit darlegung bey jeder wache 12. alb. der persönlichen Wacht gefreyet werden.

4. **W**as dann weiter zu der Wacht bequeme Personen belangen thut / oder da daruber disputation / ob sie vnd alle Amptsgesellen/ wachen oder nicht wachen/ Item ob sie darzu contribuieren oder nicht contribuieren sollen/ infallen würde/ Item was die reiche/ mittelmittae/ vnd arme Wittwe zu contribuieren schuldig/ vnd da sonst der Wacht halben mißuerstandt entstunde/ soll solches alles durch die Obersten/ ihre Lautenanten / vnd wem sie die sache sonst committieren wurden/ entscheiden / gerechtfertiget/ oder in billige weg auffgehoben werden.

5. **E**s sollen die Obersten oder ihre Commissarien gehalten vnd verbunden sein / wochentlichen drey mahl derwegen sampt / oder zum wenigsten ihrer zwehn/ denen solchs befohlen werden möchte/ vor oder nach mittag/ an einem bequemen orth zusammen zu kommen/ die gebrechen eines jedern Quartierß / vnd dessen Fahnen Befelchhabern vnd

vnd Rotmeister anzu hören/ vnd wie vorgemelt/ alles nach  
Beschaffenheit zuentscheiden/ vnd zuver gleichen.

**L** S soll auch kein Herz/ Meister/ Knecht/ Sohn/ 6.  
Jung/ re. des alters wie vorgemelt/ verreisen/ in eines  
andern Herrschafft/ oder Meister dienst sich begeben/  
noch in einem andern Quartier verhausen/ dann mit wissen  
seines Rotmeisterß/ auff 4. Thaler büß dem Fähnlein zum  
besten/ darunder er gewohnet hette.

**D** ad zu besser vnderhalte desselbigen Puncts/ soll ein je- 71  
der Rotmeister gehalten sein/ Monatlichen seinem  
Hauptman zuuermelden/ ob er alle seine Leuth so ge-  
munstert/ vnd in seiner Rott eingeschrieben/ noch bey handen  
seyen/ auff peen oder büß von 4. Thaler/ gleichfals dem  
Fähnlein zum besten.

**Z** Argegen soll auch ein jeglicher Hauptman verbun- 8.  
den sein/ Monatlichen seine Rotmeistere zu ver-  
samlen/ die geschaffenhete ihrer Rotten abzufragen/  
ob sie vorgemelter Ordnungen also nachgesetzt hetten/ gleich-  
fals auff büß vnd peen von 4. Thaler.

**D** A sich dann befunde/ das einiger Hauptman/ Bez 91  
Feldhaber/ oder Rotmeister/ jemandts/ es wer Herz/  
Meister/ Knecht/ Sohn/ Jung/ re. in sein Quartier  
ohn certification vnd abscheidts brteff seines Hauptmans/  
darunder er zuuor gessen vnd gewohnet/ genommen/ vnd  
wissentlich die wohnung in sein Quartier gestattet/ soll er  
dem Fähnlein in acht Thaler verdambt/ vnd vnnachlessig  
zugeben/ verfallen sein.

**D** Em Anbreyer deren/ so dieser Ordnung zugegen so.  
theten/ soll dauon ein Thaler zur verehrung gege-  
ben/ vnd sein Person mit nahmen noch zunahmen  
niemant vermeldet werden.

*11.*

**D**iejenige/ so ihrer handtierung vnd nahrung zu gutem/ auß der Statt ziehen müssen/ sollen sich ihrem Hauptman angeben/ vmb mit dessen wissen einen andern off Kosten des verreisenden/ in seine statt anzustellen/ vñ zuuerordnen/ verpfflicht vnd gehalten sein. Da jemand das gegen thete/ so offtmals solches geschehe/ soll er vmb jegliche Nacht so er auß der Statt bliebe/ dem Fahnlein ein Thaler verfallen sein.

*12.*

**D**iejenige aber/ so zu entfliehung der Wacht vnd andern Bürden/ so den Burgern täglich aufferlagt werden möchten/ verreisen/ vnd sich auß der Statt mit Häußlicher wohnung an andere örther begeben/ vnd gerode oder vngereide güter alhie verlassen wurden/ sollen nit desto weniger gehalten vnd verbunden sein/wans an sie köpft/ die Wacht mit bequemen Personen zuuersehen/ vnd zu besetzen/ vnd sollen solche vnkosten auß vorgemelten ihren gereiden vnd vngereiden gütern/ im fall der verweigerung/ genommen werden.

*13.*

**D**iejenige aber/ so außwendig herin kommen/ ihre oder ihrer principalen nahrung vnd werbung alhie zu 4. vnd mehr Jaren getrieben/ vñnd in dieser gefährlicher zeit vñnd zustande abgewichen weren/ sollen zu keiner häußlicher wohnung/ vil weniger einigs gewerbs alhie in der Statt zugelassen werden/ Es wer dann/ das sie sich zu vor ihres abtritts halben mit einem Erbarñ Rath verglichen hetten.

*14.*

**W**es dann billig/ das man der Krancken Personlich zu wachen verschöner soll/ Jedoch dieweil darunder mancher sich krank machen kundte/ vñnd in warheit nicht were/ vñnd sonsten allerley practticken vnder dem schein getrieben werden möchten/ soll die erkänntuß der krankheit/ den dreyen negst geseßenen Rottmeistern / darunder der Kranck

*11. 12. 13. 14.*

*haben zu tun*

Kranck hauset oder herberget/helmgestalt/ vnd vndergeben  
sein.

Folgt nun die Ordnung / wie man mit  
viel oder wenig Fähnlein zur Wacht ziehen/  
vnd sich darauff verhalten soll.

**A**ufengklich sollen vnd müssen bey Tag vnd Nacht so 15.  
vill Fähnlein zur Wacht ziehen / als der Wachtmeister  
auff geheisch eins Erb. Raths mit zuthun der Ober-  
sten vnd Kriegsrathen/nach fürstehender gefare der zeit/vnd  
noth erforderen wirt.

**S**ollen folgen alle/so vnder die Fahnen gehören/ vnd 16.  
zuwachen schuldig sein/mit ganser Fahne/oder Rot-  
geweiß/ an solchem orth zu ziehen / dahin sie das Loß  
weist/ vnd das zu solcher angesetzter stunden / als nach gele-  
genheit der zeit / der Wachtmeister auff befehl wie vorge-  
melt/ vermelden wirt/ Wer sich darzu vngehorsamb erzei-  
gen wurde/soll jedeh mahls 4. Thaler dem Wachtmeister  
zu zalen/zu behoeff des gemeinen Fähnleins/verpflicht/vnd  
verbunden sein.

**A**ls Loß soll vnder den Glöbherm geworffen wer 17.  
den/wie auff den Warden von alters her zu Cölln  
breuchlich gewesen / Soll auch das jenige/ so der  
Wachtmeister hael zu halten gebieten wurde/ von niemads  
offenbareet werden / auff peen vnd straff von zweyen Thale-  
ren/so offemals dargegen geschehe/ welche dem Wachtmei-  
ster zu seinem eygenem furcheil vnd nutz heimgefallen sein  
sollen/ oder nach gestalt der sachen höher gestrafft werden.

Wer



18. **W**er zu rechter angezeelter Stunden/ in Personen vñ  
 der seinem Fähnlein nicht erscheinet/sonder erst/walk  
 das Fähnlein im auffzug ist/ erscheinet/ soll jedes  
 mahls acht alb. zur straff geben.
19. **W**elcher aber/ wann das Fähnlein an dem ort/ da es  
 den ganzen Tag oder Nacht verbleiben soll/ ersilich  
 erscheinet/ soll 12. alb. verwirckt haben/ vñ dem  
 Fähnlein zum besten geben.
20. **W**er nach angestelter Schiltwacht vñ gegebenem Löß  
 ersilich erscheinet/ vñnd bey Kompt/ soll 24. alb. zur  
 büßen verfallen sein.
21. **W**er zum halben Tag/ oder zur halber Nacht ersilich  
 erscheinen wurde/ soll 6. Mark vñnachlässig zu be-  
 zahlen schuldig vñd verpflichtet sein.
22. **S**o einer ganz vñd gar außbliebe/ soll er ohn alle gnad  
 vñd 1. Thaler dem Fähnlein zum besten an geldt oder  
 pfändt den negsten Tag gestrafft werden/ So er solch  
 geldt nicht gutwillig erlagen wurde/ soll er am Leib oder gut  
 gepfändt werden.
23. **S**o einige Befellichshaber/ Håuptman/ Lautenante/  
 Fåndrig/ Wachtmeister/ Weibel/ Schreiber/ Trom-  
 meschläger/ 2c. In vorigen puncten einiger seumig  
 oder bruchafftig befunden wurden/ sollen ihn duple straff  
 gefallen sein/ auch daruñ ohn einige gnad gepfändt werden.

Wie sich die Schützen/ vñnd ein jeglicher  
 mit seiner wehr zumerhalten.

24. **S**o Hacken Schützen oder Moxkettierer sollen vers  
 pflichtt sein/ wenn sie zur Wacht ziehen vñd kommen/  
 jedesmahls bey sich zuhaben zwei Elen Lünter/ die  
 sie

sie auch brennende vnderhalten sollen. Item die Hacken  
Schützen ein viertheil pfunt Buchsen Püluers zum wenig-  
sten/ vnd 8. Kuglen oder Löder.

**D**er Moskettierer ein/ ein halb pfunt Püluers/ vnd 25.  
8. Löder/ Wer solche nicht mitbrecht oder bey sich  
hette/ soll jedesmahls vmb 6. alb. gestrafft werden.

**R**einer soll im auff oder abziehen von der Wacht/ im 26.  
Kreis oder außserhalb des Kreis einigen scharpff ge-  
ladenen schuß thun/ daß vff zeit vnd plaz/ der Wacht-  
meister solchs befehlen vnd ordiniern wirt/ auff straff eines  
halben guldens/ so offtmahls solchs geschehe/ welches dem  
Wachtmeister vnd seinen Befelchshabern allein zum für-  
theil vnd besten kommen soll.

**I**n fall aber jemandt im auff oder abziehen des Fehn- 27.  
leins sein Püluer ohn Loth vnd Papeir zuuerschießen  
Lust hette/ soll er alsdann Mans lengd vber sich schies-  
sen/ auff straff da darüber einiger beschedigt wurde/ wie her-  
nach folgt.

**R**einer soll den andern ohn seinem fürwissen auff der 28.  
Wacht seine Buchß verwechseln/ laden/ noch ab-  
schießen/ auff straff von 12. alb. so offtmahls darge-  
gen geschehen wurde.

**E**s soll auch ein jeglicher im ladē vñ abschießen mit sei- 29.  
ner Buchsen oder Mosketten dergestalt fürsichtiglich  
handlen/ das er niemans inn ab oder auffziehen die  
Wacht beschedige/ sein Buchß oder Mosket nicht scharpff  
laden/ dann auff zeit wie hernach folgt/ Vnd da es sonst die  
eusserste noth erfordern thete/ dann wann die Buchß oder  
Mosket mit nothurfftigem Kraut versehen/ ist balde im fall  
es die noth erfordert/ ein Kugel dar auff zustoßen.

30. **D**A einer darüber durch oberkädig oder verfaumnuß/  
des geschliche muthwilliger oder vngeserlicher weis/  
durch ablassung oder loßdruckung der Buchsen/be-  
leidiget oder bescheditiget wurde/ soll der Theter schuldig sein  
dem bescheditigten/nach erkantnuß des Hauptmans vnd sei-  
ner Dfficianten/ des Barbiererß Kosten vnd schmerzen zu  
bezahlen vnd zuerstattten.

31. **D**A aber einer durch einigte vnachtsamkeit/ oberladung  
oder anderer verfaumnuß solches schedlichen Wehrs  
vnd Instrumens ( wo einem jeglichen solchs gnugs-  
samb kündig vnd nicht vnbewust ) gar zu todt geschossen  
wurde / soll das negste glide / so bey dem Thäter befunder  
wirt/denselben anhalten/ inen den Gewaltmeistern lieberen/  
vmb folgens was rechtens sein wirt/ gegen denselben zuuer-  
fahren.

32. **D**A semanz den Theter wurd verstechen oder verber-  
gen helffen/ also/ das er der gefengknus vnd straff  
entfliehen würde/ soll derselbe der Statt verbannet  
werden.

33. **W**ie dann auch keiner auff der gassen sich gelüsten  
lassen soll/ nach eins andern Mans Haus Fahnen/  
Pynapffel/ Schüren/ Ställen/ Finsteren/ noch  
außhangenden Bretern zuschiessen/ auff straff vonn zuehn  
Thalern/ so offtmahls solchs geschehen wurde/ den Fahnen  
zum besten zuuerfallen.

34. **I**dem alle die jehntige/ so mit der Rüstung vnd langer  
Wehr auff die Wacht ziehen/ sollen ihre Rüstung am  
Leib behalten/ auch ihre lange Wehr nicht vonn sich  
lagen/ ohn verläubnuß.

35. **D**A aber einer seine Wehr/ Mantel/ oder Kleid/ so er  
auff die Wacht brengen wurde/ mit erläubnuß oder  
sonst vnn sich setzen/ den Mantel/ Kleid/ Storm-  
houe

hout/oder was dessen were/darben legte/soll keiner alsolche  
Wehr/ Mantel/ Kleidt/ zc. verbergen/ verstecken/ gebrau-  
chen/ noch von einer plazen zur andern versetzen/ es sey ihm  
ernst oder scherz/ vff peen von zwehn Thaler/ dem Fähnlein  
zuuerbären/ vnd zum besten zugeben/ darunder solchs gesche-  
hen wurde.

**L**S soll auch jedesmahls der Hauptman selbst/ sein 36.  
Lautenant/ Fähndreger / oder ein ander fürnehmer  
Befelchshaber/bey der Fahnen/vnd der Scharwacht  
sich finden lassen/auff peen von 4. Thaler jedesmahls/ dem  
gemeinen Fähnlein zum besten zuuerbären/vnd vnnachlässig  
zubezahlen.

**D**A dann einiger ohn fürwissen vnd erlaubnuß vorge- 37.  
melten Officianten sich von der Wacht verstecken  
oder vnsichtbar machen wurde / soll der jedesmahls  
vmb einen Goltgulden gestrafft / vnd des anderen Tags in  
statt eines/ so etwan zu der Wacht vndüchtig oder krank zu  
sein befunden wurde/ zuwachen angestellt vnd ordiniert wer-  
den/ Vnd da er sich in dem verweigern oder säumig machen  
wurde/soll er vmb 4. Thaler gestrafft/ auch im fall der noth  
darfür gepfandt werden.

**D**Er aber mit erlaubnuß des Hauptmans/oder dessen 38.  
Befelchshabern bey Tag oder Nacht abtreten wur-  
de/der soll schuldig sein/seine Wehr auff der Wacht  
zulassen/ auch auff solche stunde / als ihm der Befelchsha-  
ber bestimmen wurde/widerumb sich ein zu stellen/auff peen  
so manche stunde er langer außbliebe / sechs alb. dem Fähn-  
lein zum besten zuuerwircken.

**W**Liebe er gar auß/ biß das Fähnlein widerumb an sein 39.  
Worth gelieber weret / soll er sein Wehr/ so auff der  
Wacht verblieben/verbürt haben / vnd schuldig sein/  
damit er nicht wehrloß befunden werde / dem Fähndreger

solch Wehr widerumb abzukauffen/auff straff des Thurngangs.

40. **I**dem die Fahnen/ so zu der Wacht verordnet/ sollen sich abents im zuschliessen/ vnd morgens im auffschliessen zugleich/ oder Rotweiß wo solches d' Wachtmeister verordnieren wirt/ ahn den Pforzen/ so geschlossen/ oder eröffnet werden sollen/ in ihrer Rüstung vnd Wehr in der handt finden lassen/ beiderseits am einkommen der Pforzen/ gegen ein ander in guter Ordnung stehn/ wer dagegen thete/ soll jedesmahls sechs alb. verbürt haben.
41. **W**ann alsdann die Pforzen geschlossen oder eröffnet/ soll ein jeglich in vorgeante Ordnung stehn vnd halten bleiben/ biß auff weiter anordnung des Wachtmeisters/ wahn sich ein jeglicher zubegeben vnd zuuerfügen/ was er da selbst thun vnd lassen/ wie lang er an dem orth verbleiben/ vnd sonst sich verhalten soll.
42. **S**od soll des abents nach geschlossener Pforzen/ biß des morgents so die Pforzen eröffnet werden/ keiner an der Statt Wällen/ Feldt/ vnd Rheinpforzen sich finden lassen/ dann die jehnlige/ so die Wacht haben/ ein jeder so weit als sein Quartier strecket/ vnd weiters nicht.
43. **J**e jehnlige/ so ahn den Wällen vnd Rheinpforzen wohnen/ vnd daselbsten ihre behausung haben/ sollen nach auffgeführter Wacht sich in den Heusern verhalten/ vnd wie gemelt/ ahn den Wällen noch Pforzen nicht finden lassen.
44. **D**aber Burgermeister/ Rentmeister/ vñ Stimmmeister/ oder andere/ so von wegen eines Erb. Rhats darzu deputiert weren/ vmb die Statt gehn oder reiten/ vnd die Wachten visitieren/ oder sonst etwas verrichten wurde/ soll ihnen solches jedesmahls/ so oft es ihnen befohlen/ oder die noch erforderen thete/ zuthun vnuert/ vnd vndbenommen sein. Vnd

**N**id soll alsdann gemelten Herrn die Löß derselbigen 45.  
Nacht / oder des Tags / so sie solche visitation thun /  
oder sonst ein was verrichten wolten // vermeldet  
werden.

**S**onsten soll nteinander die Löß auff der Wacht haben 46.  
smögen / dann der Hauptman / Lautenant / Fendrig /  
Wachtmeister / Rottmeister / oder dergleichen Be-  
felchhabere / denen der Wachtmeister solche vertrauen  
wurde.

**W**ie dann auch kein Befelchshaber sich vnderstehn 47.  
soll / ins general vnd durch auß die Wacht ahn allen  
Orthen zu visitieren (dann solchs allein dem Magis-  
trat oder ihren verordneten zuthun gebüret) Sonder soll  
ein jeglicher Officiant sich weiterer visitation nicht ahnne-  
men / dann so wete sein Fähnlein sich erstrecket.

**D**ann wolgemelter Magistrat oder ihre verordens 48.  
ten jemanths ins general oder particular straffbar  
befunden / soll solches an einem Erb. Rath gebracht  
werden / daselbsten gestrafft / oder ahn die Commissarien vnd  
Obersten / so wochenlichen der Wacht halben drey mahl zus-  
samen kommen sollen / zum verhörd verwiesen werden.

**F**ür dem ein jeglicher / so auff die Wacht erscheinet / soll 49.  
seinem Blößherzn / oder dessen Befelchhaber gehorsam-  
men / auch auff solche Schilt / Scharz / oder in seinem  
Fähnlein durchgehnde Wacht / auch in solchem glide / vnd  
auff solche Wardt / als ihm aufferlagt vñ angewiesen wurt /  
gehn vnd stehn / mit den beiden (wens die zeit gibe) auff vnd  
abziehen / alles auff straff / so offtmahls dargegen gefreuel-  
t wurde / von 2. Thaler dem gemeinen Fähnlein zum besten.

**W**er von jemanths die Blöße erfragen vnd fordern 50.  
wurde / vnd dessen kein befelch hette / der soll jeders-  
mahls vmb einen Thaler gestrafft werden.

51. **L** Benfalls sollen ihn solche büß verfallen sein / die selbe / denen man die Löß geben vnd vertrauet / vnd deren vergessen wurden.
52. **S** Je jehtige / so zur Schiltwacht verordnet werden / sollen ihre Buchsen scharpff laden / vnd als lang die zeit der Schiltwacht wehret / geladen halten / auff straff eines halben gulden.
53. **S** Es morgens wenn die Pforten eröffnet / mögen sie dieselbe ablassen / abschießen / oder sonsten Kraut vnd Loth / inn andere wege / mit außschrauben ersparen.
54. **S** Je Rotmeister sollen schuldig sein zum längsten / alle stunden vngefährlich ihre Schiltwacht zuuersehen / auff straff jedesmahls / da solchs vber ein viertheil stunden weiters verzogen würde / von acht alb.
55. **E** derman soll schuldig sein / die Schiltwacht persönlich mit seiner vollen Rüstung / oder anderer Wehr / damit er zur Wacht kommen / zuhalten / ohn eines andern gewehr / dann mit dessen beliebung mitzutragen / auff stroff von 12. alb. für das erstemahl / für das zweyte mal 24. alb. für das dritte mahl 36. alb. vnd arbitraliche straff des Hauptmans / vnd anderer Officianten.
56. **L** S soll auch keiner sich gelästen lassen / heimlicher weis die Schiltwacht zuuerlassen / ob er schon heimgehn wulde / vnd anstunde widerkommen / auff straff vonn zwehn gulden / vnd gleichfals durch die Officianten gestraffe zu werden.
57. **W** Er auff der Schiltwacht schlaffende befunden / seine Wehr verlassen / oder das ihm die ohn sein wissen / abhändig gemacht wurde / soll zur straff des Nachts verfallen sein / 1. gulden / vnd des Tages / ein halben gulden / alles dem gemeinen Fähnlein zum besten.

**D**ie Schiltwechter sollen sich auch still verhalten/ 58.  
Kein gerücht machen/ Wein noch Bier holen lassen/  
noch sonst einige ungeschicklichkeit noch vnordnüg  
ahnstellen/ auff straff von 14. alb. jedesmahls so solches ge  
schehe/ zurerbüren.

**E**s soll auch niemants von der Wacht/ noch sonst et 59.  
nige andere Personen/ sich zu der Schiltwacht ver  
fügen/ mit denen zusprechen/ zuschwezen/ oder sonst  
ander vnordnung zupflegen/ jedesmahls vff peen von 12. alb.

**H**egegen auch/ soll die gemeine Wardt/ darauß die 60.  
Schiltwacht genommen/ ihre Scharwacht fleissig zu  
halten/ bey eydes pflicht verbunden sein/ zu dem ende/  
da die Schiltwacht ein g zeichen von sich geben/ oder sonst  
ein geschrey ahnstellen wurden/ das solchs gehört/ vnd ihnen  
zu hilff gefast werden möge/ Welche Scharwacht solchs  
versaumen wurde/ soll jedesmahls auff vier Thaler gestraffe  
werden.

**A**lle die jehntige/ so auff der Warden vnd Scharwacht 61.  
ten verbleiben/ sollen sich wackerlichen verhalten mit  
ihrem gewehr/ vnd brennenden Lüntten fertig sein/ daß  
da einig geschrey enestunde/ vnd dann dieser oder jehntig seine  
Wehr/ Rüstung/ oder Buchß noch erstmahls suchen vnd  
ahnziehen/ Item seine Lünt noch ensünden wolte/ alle die  
jehntige/ so dergestalt fahrlessig vnd faul befunden/ sollen jega  
licher einen gulden vnnachlessig zur straff geben/ vnd darzu  
willkürlich durch die Officianten gestrafft werden.

**W**egenwehr thun muste/ den achterhamen ziehen soll/ 62.  
sonder auff erfordern der befelehs haberen/ zum  
schimpff vnd ernst folgen/ auff straff wie solchs ein Erb.  
Rath auff dem fall/ eine solche vntrew einer oder mehr be  
gehn wurden/ verordnieren wurde.

Kein



63. **R** Ein Wein noch Bierzapffer/ soll auff die Wacht einig Wein noch Bier bey nachtllicher weil verkauffen/ bilweniger auff die Wacht dessen folgen lassen/ oder den Wechtern einig geseß gestatten/ auff straff von jeder quarten/einen gulden zur büßen zugeben/ alles dem Fahnlein zum besten/ vnd welcher beschenckt vnd druncken auff die Wacht erscheinen wirt/ soll 1. Thaler sonder gnad bezahlen.
64. **L** S soll auch keiner er sey wer er wolde/ in seinen oder anderen Kellern des Nachts Wein/ Bier/ oder ander gedranck holen noch zappen lassen/ bilweniger jemandes/ es weren Manns oder Frauen Personen einig gedranck zum feilen kauff dahin brengen noch senden/ auff straff von jeglicher quarten gleichfals ein gulden/ dem gemeinen Fahnlein zubezahlen.
65. **A**lle spil sollten auff der Wacht verbotten sein/ aufferhalb Bret. vnd Kartenspiel in der Tagwacht/ vnd soll keiner auff einmahl höher dann ein sechs hellerß pfennig auff setzen/ bey straff 12. alb. so duckmahls solchs overtretten wurde.
66. **S** Id. wer einen gulden winnen wurde/ der soll 12. alb. dem Fahnlein zum besten geben.
67. **W** Er ober einen gulden in einem Tag verspillen wurd/ der soll dem Fahnlein von jeglichem gulden einen gulden zur büßen zugeben verfallen vñ schuldig sein.
68. **W** Ilenß oder anderer ursachen/ sätzen/ schelten/ schweren/ vnehrliche/ vnehrbare/ ergerliche/ leichtfertige wort sprechen/ bilweniger Gottes nahmen vnnußlichen fuhren/ bey dessen heiligen leiden noch wunden schweren/ auff straff eines halben gulden/ oder sonst nach befindung der sachen/ scharpffer/ so offtmahls solchs geschehen wurde.

Item

**Z**em welcher auß denn Wachtberwanten etzlichen 69.  
zwist/ hader/ vnlast gegen seinen mitwachtberwan-  
ten ahnrichten / oder dem selben beyfallen/ vnd mit  
des haders auffmehrer vnd Sachuermalter sein wurde/ des  
selbiger vnd ein jeglicher von ihnen / soll jedermahls vmb  
zwey Thaler gestrafft werden.

**W**eicher aber gegen seinen Hauptman / dessen Laute 70.  
nant/ Fehndreger/ oder andern Befelchshabern etz-  
nigen zant anlegen wurde / soll duppelt gestrafft  
werden/ Dann wer zu Klagen/ oder sich beschwirt zu sein ver-  
meint/ soll solchs ordentlicher weis auff zeit vnd platz/ da  
sich solchs gebüren wirt / vortragen / vmb folgens der be-  
schwernuß füglich zu bezeugen / vnd den Verbrechern in  
gebürende straff zuziehen.

**Z**em da jemanis/ so auff oder von der Wacht züge/ 71.  
inn mittelst auff dem wege/ sein gewehr/ Schwert/  
Dollig/ Pungart/ oder Auffstecher/ auffjegliches bo-  
ses gemuchē/ gegen einen anderen/ der Wacht Mituermwan-  
ten einigen Burger oder Frembden außbruchte vnd züge/ ih-  
nen damit beleidigten vnd beschedigten/ soll jedesmahlis drey  
Thaler zur straff geben/ dem Barbierer/ vnd schmerzen des  
bernündten vnd beschedigten bezahlen / vnd daruber noch  
nach gut achten der Officianten würcklich gestrafft werden.

**Z**em es soll niemants so nicht von der Wacht / sich 72.  
vnderstehn noch gelüsten lassen/ die Wardt/ Schar/  
oder Schiltwacht/ die/ so an den Pforken wachen/  
oder auch die/ so im auff oder abziehen des Fähnleins/ sein etz-  
niger gestalt zuuerrührigen/ zu turbieren/ oder jemanis zu  
inturgieren/ zu schmichen/ zuuerrunglimpfen/ zuprouocie-  
ren/ noch außzuheischen/ mit schmiche oder scherzworten an-  
zureizen/ auff straff von 4. Thalern/ so offte solchs also war-  
hafftig geschichen zu sein/ sich befinden wurde.

73. **H**iegegen soll auch denen von der Wacht als solche blüßen gegen andern / so nicht von der Wacht fürzunehmenden / auff gleiche straffen / hiemit verbotten / vnd eingebunden sein.

74. **I**tem da einig Rumor / Meuterey / Aufflauff oder Brandt entstunde / soll man nicht alzugleich über ein lauffen / dann solchs allein besehn lassen / durch die anwesende Officianten / oder die / so darzu auff der Warde verordnet werden möchten / Die aber / so darzu nicht verordnet / sollen bey ihrer Wacht ohn einig gerücht / lermen / getumels / noch ander vnnwesen zumachen / sich still verhalten / wer dagegen thete / soll vmb vier Thaler jedesmahls gestrafft werden.

75. **E**s soll auch niemants / was wesen oder standes der auch sey / Item die von der Wacht / noch andere / so nicht von der Wacht weren / vnderstehn einige verگردerung oder rottung / ahn einigem orth in mittelst ahnzurichten / sonder der abgefertigsten bescheidt abzuwarten / was dann durch die samptliche Officianten / so alsbaldt zusammen rucken sollen / für rathsamb erachtet / dem soll ein jeder zusolgen vnd nachzusetzen / schuldig sein.

76. **D**a sich daß befunde / das zweytracht oder brant auff erstanden / vnd der Magistrat oder andere Officianten in arbeit weren / den zweytracht niderzulegen / vnd andere verordente im werck weren / den brandt zuleschen / das alsdann niemandt anders darzu lauffen / dabey allein stehn gaffen / nichts thun / sonder vilmehr anderen / so etwas guts verrichten wolten / verhindernen / vnd im weg stehn / auff straff von 24. alb. von allen den jehntigen zusforderen / so dergestalt / wie gemelt / sich erfinden liessen.

**W**er auch auff gebott der ahnwesenden Officianten/ 77  
alsbaldt nicht weichen wurde/raum vnd platz geben/  
soll duppelt verfallen sein/vnd sonder gnad vmb 2.  
gulden gestrafft werden.

**S**ie jehnige/ so des Tags die Wacht ahn den Pforz 78  
ken habe/ solle alle Tag drey oder vier Personen zu  
dem Schreiber verordnieren / so den ein vnd auß-  
reisenden Man/ Wagen/ vnd Karren vndersuchen/ erweh-  
len / ohn das ein jeglicher vngestumme darzu lauffe / vnd  
mittelerweil die Wacht vnd gute hudt in vergeß gestelt wer-  
de/ wer daruber zu lauffen / vnd die verordente inn ihrem  
befelch hinderen wurde/ soll so duckmahls solchs geschehe/ 6.  
alb. zur büßen geben.

**S**ie dann verdecktliche Personen/ Brieff/ geraubt oder 79  
gestollen gut/ oder sonst das verdecktlich wer/ ahn-  
gehalten wurde / soll solchs alles auff den negsten  
Thurn oder Pforz verwahrlich gelegt vnd gehalten/ die ge-  
schaffenheit einem Erb. Rath/ oder den Herrn Burgermeis-  
tern fürgebracht werden/ vmb weiters zuerkennen/ was mit  
den Personen/ Brieffen/ oder verhaltenem gut/ gethan oder  
gelassen werden solle.

**S**ie fall daruber jemandt sich gelüsten lassen wurde/ 80  
einige Person zubeschädigen / Brieff zu verhalten/  
oder abhändig zumachen / einig gut/ Korn/ Viehe/  
oder Wahren/ wie das genent werden möchte/ ahn sich zu-  
ziehen/ das zuuersetzen / Wein darauff zudrincken/ oder  
sonsten in was wege es erdacht mucht werden / kundt dem  
Magistrat abhändig zu machen / soll nach gekentnuß eines  
Erb. Raths/ vnd erschaffenheit der sachen willkürlich gestraffe  
werden.

31. **W**ie verbottenen Wehren/ als Fäuslein/ so in stat der  
Büchsen gebrauchte/ scharpffen geladenen Büchsen/  
Helbarben / vnd was deren mehr sein mögen / soll  
niemants des Nachts auff der gassen sich finden lassen/ auff  
straff des Thürgangts/ dahin er durch die Kettenwacht/ o  
der so die general Wacht zu visitieren hetten/ gestalt werden/  
biß auff erkundigung/ auß was vrsachen/ er sich bey nachte  
licher weil mit solcher gefährlicher Wehr auff der gassen hette  
finden lassen.

32. **I**dem es soll kein Fählein seine Wardt/ Schar/ oder  
Schiltwacht verlassen/ ehe vnd bevor/ die ander  
Wacht auffkommen/ neuwe Schar vnd Schilt  
wacht angehest/ auff straff von 20. Thaleren/ so die Officia  
renten derwegen verbürt haben sollen.

### Wachthäuser betreffendt.

33. **N**iemants soll sich erkünnen oder gelüsten lassen/ die  
Kettenwachthäuser / so nunmehr auff gemeine Kos  
ten auffgerichtet/ deren dacher/düren/oder finster zu  
sehenden / zum brande abzubrechen/ hinwegzutragen/ oder  
anderer gestalt zuuernichten/ auff straff/ welcher inn dem  
sich verließ/ dasselbig Wachthaus auff seine Kosten wider  
umb machen zulassen / vnd sonst willkürlich nach geschaf  
fenheit begangnen muthwillens/ gestrafft zu werden.

34. **I**lweniger soll niemants sich gelüsten lassen/ ahn dem  
Wällen/ da nunmehr die Wardten vnd Wachten  
auffgerichtet werden müssen/ der gemein Bäum/  
Brizen/ Hecken/ Wänd/ Mauren/ Dacher / Weichhäu  
ser/ oder wes dessen mehr sein wurde/ so auff gemeine Kosten/  
vnd insonderheit der Wacht vnd dieser Burger schafft zu  
gutem

gutem erbaume/ zuschenden/ abzubrechen/ darvon hinweg  
zutragen/ zuerbrennen/ in andere wege zulehren/ oder zu  
wenden/ vff straff eines begangnen diebstalß/ der/ wo er auch  
angegriffen/ ahn gebürende örther geliebert/ vnd nach befin  
dung der sachen/ ahn leib oder gut gestrafft werden.

**S**omit aber dieser beschloß gehalten/ sollen alle Bes. 85.  
Befelchshaber schuldig sein/ auff diß werck ein gut oug  
vnd auffricht zuhaben/ dergestalt/ da etwas (wie vora  
gemelt) verwüestet/ vernichtet/ zerbrochen/ vnd sonst ver  
bracht wurde/ vnd gemelte Befelchshaber kein fleissige nach  
frag theten/ vmb den Thäter vnd Vbertreter zubekommen/  
vnd zur straff zu stellen/ Sollen sie sampt/ vnd sonder schül  
dig sein/ allen schaden inwendig acht tagen/ widerumb auff  
zurichten/ vnd in den alten stande zustellen/ auff straff von  
hundert Thaler/ so jeglicher halb einem Erb. Rath/ vnd halb  
dem Fähnlein vnnachlässig daruor erlagen vnd zahlen soll/  
Vnd im fall der vnghehorsamkeit/ ohn einigen gerichtlichen  
proceß/ darfür ahn gut/ oder leib gepfandt werden.

**S**oll auch auff straff rechtens/ keinem erlaubt/ 86.  
sonder vilmehr verbotten sein/ einige auß oder ein  
wendige Karren oder Wagen/ so mit Holz/ Ramen/  
Kollen/ vnd anderem brantholz geladen/ anzugreifen/ den  
selben ohn ihrem guten willen/ etwas abzunehmen/ Wie auch  
niemants sich erkrecken/ verkünnen/ oder gelüsten lassen soll/  
einigen Geistlichen oder Weltlichen/ in seinen Weingarten/  
Baum oder Rößgarten zustiegen/ Brisen/ Pößt/ Ramen/  
oder wes dessen sein möchte/ abzubrechen/ zuerwenden/ zu  
beschädigen/ noch zuerbrennen/ auff peen rechtens/ vnd da  
jemants darüber betreten/ vnd wann solchs bey der Nacht  
geschehen/ vnd also durch den Inhaber gemelter plazen be  
schädiget/ verwündt/ ja auch gar zu todt geschlagen wurde/  
das darüber kein ander recht erfolgen/ daß das dem Freueler

vnd Thäter recht geschehen zu sein erkant/ vnd bey menntglichen darfür gehalten werden solle.

87. **Z**ur zeit einiges auffrurs vnd allarms ( das Gott gnediglich verhüten wolle ) sollen ahn stundt alle Ketten vnd Schlachtbäum gespannen vnd geschlossen werden/ vnd das durch die sehnige/ so der wegen die schlusselen vnd von einem Erb. Rath befehl haben. Da aber die selbe nicht vorhanden/ noch einheimisch weren/ soll den negste Nachbahren befohlen vnd auffgelegt sein/ die Ketten oder Schlachtbäum zu schliessen/ das Schloß/ vnd schlusselen in dem Hauß/ da die verhalten/ zu fordern/ Aber folgentes widerumb ahn das orth da sie die geholt/ ohn einige einrede ihn zuantworten/ auff leibliche oder wilkürliche straff/ die nach geschaffenhait der sachen/ gegen die Verwircker sollen vorgenommen/ vnd ins werck gestalt werden.

88. **S**ollen auch alle Obersten/ Lautenanten/ Hauptleuth/ Fähndreger/ vnd andere Befelchshaber verpflcht vnd schuldig sein/ bey ihren eyden/ obgedachte Ketten vnd Schlachtbäum fertig/ vnd bequem zu underhalten/ auch daran sein/ da deren ahn einigen oder mehr orthen/ in ihren Quartier vonnöthen / das dieselbe dahin zustellen/ am fleissigsten bey einem Erb. Rath vñ Herrn Rentmeistern befördert werde/ auff peen/ da solches vernachlässiget/ vnd hernachmahls der gemein darauß schadt/ schandt/ verdriß/ oder nachtheil entstunde/ das derselbe schadt ahn den versäumern (sovil muglichen) erholet werden solle.

89. **D**a aber vorgemelte Herrn durch beweßlichen glaubwürdigen schein darlegen kundten/ das ahn ihrem fleiß nichts gemangelt/ sonder der mangel bey einem Erbahren Rath/ oder den Rentmeistern entstanden vnd verursacht / sollen sie damit vortiger bedreyung vnd lasten enthaben vnd entschlagen sein.

**D**em in zeiten einiges lernens/ soll ein jeder schuldig 90.  
sein/ mit seiner Rüstung vndnd Gewehr ahn stunde bey  
seinem Rottmeister zue erscheinen / mit demselben zum  
Fähnlein zugehn / die Ketten aber besser beschliessen vndnd  
besetzen/ vndnd ein jeder in seinem Quartier / so lang sich inn  
guter gewärsamb vndnd bereidtschafft fertig zuhalten/ bis zur  
zeit zu / das ihrem Hauptman durch ihren Obersten oder  
desselbigen Lieutenant ferner vort zurucken/ vñ ahnzuziehen/  
verordnet wirdt.)

**L** S soll auch niemands / er sey von der Wacht oder 91.  
nicht/ des Grobengeschütz auff den Wällen / Tirna  
häuseren/ des Raths Pforren/ vnd Schloßeren/ ste  
hende zuhandlen / oder abzuschliessen vndernehmen / ohn er  
läubnuß des Raths/ Burgermeister/ oder Obersten/ auff  
peen jedermahls von 4. Thalern zuuerbären.

**D**aber zuschiessen die noch erforderete / sollen zu dem 92.  
Dendt Tag vndnd Nacht meiner Herrn Artellerey vnd  
Buchsenermeister / sampt ihren Dieneren bey der  
hande zu sein verpfflicht vndnd schuldig sein/ die alsdann auff  
gut achten wolgemeltes Raths / oder zu dem werck vonn et  
nem Erbarh Rath verordnete Personen vndnd Officianten/  
was rathsam erachtet/ verrichten sollen.

**D**em sollen alle Geistliche vndnd Weltliche Perso 93.  
nen/ was wesens vndnd standes die auch weren/ inson  
derheit die sich mit Wirttschafft herbergen / Disch  
zuhalten / oder sonst jemandten vmb gelt vndnd liebnuß  
einig Logement vergünnen/ vnd darauff sich ernehren/ schül  
dig sein / alle abendts ein stunde nach verschlossenen Pfor  
ren/ Sommers vmb 8. vnd Winters vmb funff/ alle Perso  
nen/ so vonn aussen inn ihre Herberg / Häuser oder Loge  
ment



gemen kommen / dem Obersten des Quartiers / darunder  
sie gessen / in schriftten mit nahmen vnd zunahmen ober zu  
brennen / vnd das / also lang die selbe / daselbsten herbergen / o  
der beywohnungen bey jemanden haben wurden / mit zusatz  
alsdann des Nahmens vnd zunahmens des gegenwertigen  
Tage / Monats / vnd Jars / off peen jedesmahls / vnd so offte  
bestendig dargethan werden kundte / jemandes vergessentli  
chen / nicht gehorsamet / für jegliche Person / ein goltgulden /  
dem Fähnlein zum besten verfallen zu sein.

94. **S**nd ob derwegen etnig Oberster / Lautenant / Haupt  
man / oder andere Befelchshaber darüber in seinem  
Quartier visitation thun wolte / soll jedermanniglich  
schuldig sein / auff erfordern gemelter Herrn Oberster / das  
Hauß / Kammeren / Stuben / vnd wo sonst der visitation  
nöhtig / zueröffnen / auff straff von zehn Thalern / halb ei  
nem Erb. Rath / vnd halb dem Fähnlein zum besten / zuuers  
wirden.

95. **I**dem jeder Befelchshaber vnd Rottmeister / sollen  
schuldig sein / die in ihrem Fähnlein verfallene peenen  
vnd büßen / ihrem Hauptman innerhalb 24. stunden  
nach dem sie deren ihnen vnd verständiget worden seine / ahn  
zugeben / auff gleiche peen / da sie derselbigen verschweigen /  
vnd nicht abgeben wurden / Warauff die Hauptleuth ver  
hafft vnd pflichtig sein sollen / für ihrer negst ahnstedender  
Wacht dieselbe inmanen zulassen / ganz ohn dz einig Haupt  
man gedachten felligen büßen / vnd bruchten halben / verglei  
chung oder vertrag soll ingehn mögen / dann in beysein gut  
tachten / vnd rathlich ermessen seiner Befelchshabern / oder  
des meistensheil derselbigen.

96. **S**A dann jemandes alsolche büß vnd verwurckte straf  
fen / auff die erste / zweyte / vnd dritte ahnmahnung  
verweigeren / vnd nicht erlegen wurde / soll die klage  
für

für des Raths Commissarien vnd Oberstenbracht werden/  
welche dieselbe in dreyen negstfolgenden dingklichen tagen  
mit einnehmung aller Kunschafft vrtheilen vnd richten sol-  
len/vnnd im fall der Beclagter alsdann/nach als vor straff-  
lich befunden wurde/ soll er ihn doppel so vil/ als er vorhin  
verwirckt/ verdamit/ vnd zubezahlen condemnirt werden.

**D**Je einbrachte brüchteen vnd büßen/ sollen in eine ge- 97.  
meine Kiste/so in des Obersten Haus stehn soll/dar-  
in man dz gelt hinlegen/die schlusselen dar ab zweyen  
Hauptleuthen vberantworten/ vnd soll folgens zu erkent-  
nuß eines Erb.Raths gestellt werden(jedoch wenn zuuor alle  
verlägte onkosten bezahlt/ vnnd abgezogen) wohin der rest  
verwendet vnd ahngelegt werden soll.

**D**em es sollen alle Hauptleuthen/Lautenanten/Jen- 98.  
dreger/ Kottmeister/vnnd alle Befelchhaber/ wie die  
nahmen haben möchten/auff erforderen ihres Ober-  
sten nachzufolgen/ ohn einige widerspennigkeit/ vnnd onlust  
derwegen ahnzurichten schuldig sein/gutwilliglich dem ge-  
meinem Vatterlandt/ vnd dieser Gemein zum besten/ am  
trewlichsten folgen/vnnd was das gemein best erfordert/be-  
rathschlagen/vnnd ins werck richten helffen/so jemanths darus  
bermuthwillig/vnnd widerspennig sich verhalten vnnd erzei-  
gen wurde/soll der jedesmahls vñ sechs Thaler bares gelte/  
dem Fähnlein zum besten/ gestrafft werden.

**W**em das Fähnlein zuuergleiten/bey/auff/vnnd abfah- 99.  
ren desselbigen zusein/befohlen wurde/ der/auch die  
jehtige/sollen solches zuthun schuldig sein/ vñ straff  
jedesmahls der verweigerung von 4. Thaler.

**D**em so bald einig Fähnlein etwas im führath gera- 100.  
ten/sollen dessen Befelchhaber an stunde schuldig sein  
24. oder 30. ledderen Emmer in ihrem Quartier ahn  
ein gelegen orth/wie auch etliche brandeleideren vnd brande

hätte zuverordnen/deren man/im fall brandts noth im selbigen Quartier entstunde/zugebrauchen hette.

101. **S**odder vnglück entstunde/ alle Burger schuldig sein/ alsbaldt wasser/ in vnd für ihren Häusern mitzutheilen/zu puzen/vnd auff der gassen pül/vnd schepfung zumachen/auch denen folgen zulassen/ so zu steurung gemeltes brandts vñ vnglucks/ vor diesem darzu verordnet/vnd deputiert worden seint.

102. **A**ls Fähnlein in dem Quartier da brant vorhanden/soll mit ihrem Wapfen vñnd Wehr/die strassen/so zum brandt/oder sonst/so vmbtrint der orth liegen/den jehnigen/so gegen den brandt hilff vñnd beystandt leisten sollen/frey vñnd vñhlich gehn vñnd stehn mögen.

103. **I**n fall aber/alsolch Fähnlein/darunder der brandt entstehn wurde/vff der Wacht were/soll solchs gleichwol von der Wacht nicht weichen/sonder das negst gefessen Fähnlein/das jenige/wie vor gemelt/ins werck stellen/vnd verrichten.

104. **E**doch soll in allen Fähnlein/Warden/Schar vñnd Schiltwachten/den Offtianten erlaubt sein/im fall keine grossere noth sich ereugen/nach fürhanden zu sein/ahnsehn ließ/das/so alsdann von der Wacht mit ihrem wissen vñnd willen/abgehn lassen mögen Steinmeyer/Zimmerleuth/Leyendecker/vnd Schiffleuth/den brandt zu helfen leschen.

105. **I**tem es soll kein Vnderthan/berendter Burger/Edel vñnd vñnedel/auch die jehntige/so ihre ligende vñnd fahrende güter/in dieser Statt in schütz vñnd schirm liegen haben/gegen diese Statt Burger schafft vñnd inwohner/in keiner Fursten noch Herzn dienst Fetzandtelicher weiß sich begeben/die Statt/Burger schafft/deren inwohner/vnd zugehörts

hörigen güter / binnen oder bußen Tölln zubeschädigen / oder  
ahnzugreifen / off verbar auß der güter / so in oder auch auß  
wendig der Statt / in eins Erb. Raths iurisdiction gelegen /  
vnd sonst da er ahnzutreffen / ahn leib vnd leben nach ge  
stalt / seiner vbertrettung gestrafft zuwerden.

**S**ollen auch auff gleiche peen vnd straff alle Bur<sup>106.</sup>  
ger / vnd Ingeessen / auch die jehntige / so ihre ligende vnd  
fahrende güter / alhie in schütz ligen haben / schuldig / vñ  
verpflicht sein / alles das jehntige / so gehen diese Statt / deren  
gedeyen vnd wolffahrt / ihnen zuwissen fürqueme / ahnstunde /  
oder so balde möglich / den Herrn Burgermeistern / Stim  
meistern / vnd andern fürnehmen Officianten zuerwissen  
gen / so vil auch ihnen / sampt / vnd besonder möglichen / alle  
ahnschlege vñ vngluck / gegen diese Statt helffen steuren vnd  
wehren / auff straff nicht allein wie vorgemelt / sonder auch  
nach geschaffheit der vbertrettung / wetters ahn brähen  
vnd plazen / da solchs sich enget vnd gebäret / verklagt zuwer  
den / vnd da selbst wetterer straffen vnglimpffs vnd schas  
dens gewertig zu sein.

FINIS.

... dem ... in ...  
 ... dem ... in ...  
 ... dem ... in ...

102

... dem ... in ...  
 ... dem ... in ...  
 ... dem ... in ...  
 ... dem ... in ...  
 ... dem ... in ...  
 ... dem ... in ...  
 ... dem ... in ...  
 ... dem ... in ...  
 ... dem ... in ...  
 ... dem ... in ...  
 ... dem ... in ...  
 ... dem ... in ...

FINIS